

Na osnovu člana 32. Zakona o javnim nabavkama („Službeni glasnik BiH“ broj 39/14), a nakon provedenog otvorenog postupka za javnu nabavku roba – lijekovi ,objavljenog na web portalu Agencije za javne nabavke dana 14.04.2017. godine, zaključen je

**OKVIRNI SPORAZUM**

Između:

**Javna ustanova Opća bolnica „Prim. dr. Abdulah Nakaš“,**

Sjedište: S.S.Kranjčevića broj 12, 71000 Sarajevo,

koju zastupa direktor prim.dr.Zlatko Kravić,

Identifikacijski broj: 4200288400001,

(u daljem tekstu: Kupac)

i

**ZEFARM d.o.o. Zenica,**

Sjedište dobavljača: Goraždanska b.b., 72000 Zenica,

koga zastupa direktor Edis Šaćirović, mr. sci.,

Identifikacijski broj dobavljača: 4218025060008

Transakcijski račun dobavljača: 1340100000004679

Naziv banke dobavljača: Investiciono-komercijalna banka d.d. Zenica

(u daljem tekstu: Dobavljač),

**Član 1.**

Predmet ovog ugovora je nabavka roba lijekovi prema ponudama broj: 16-16/17 i 16-19/17 od 27.04.2017.godine, a prema Odluci o odabiru najpovoljnijeg ponuđača broj 2359-10/17 od 31.05.2017.godine i na osnovu dokumenata :

–Ponude / specifikacije Dobavljača br. 16-16/17 i 16-19/17 od 27.04.2017.godine – dalje: ponuda Dobavljača - (Prilog 1), (ugovorne strane podrazumijevaju da kompletna ponuda Dobavljača koja je dostavljena po predmetnoj nabavci sa svim dostavljenim dokumentima / aktima / dokazima / nacrtima / specifikacijama i dr. čini sastavni dio okvirnog sporazuma sa tim da se zbog obimnosti iste uz okvirni sporazum fizički vežu samo dokumenti iz ponude koji se odnose na osnovne komercijalne i tehničke elemente ugovora / nabavke), dostavljenom po otvorenom postupku – tender broj 7/17.

**Član 2.**

Okvirni sporazum (u daljem tekstu: sporazum) se zaključuje na period od 1 (jedne) godine i traje do isteka sporazuma odnosno do utrošene maksimalne finansijske vrijednosti po lotovima:

1. LOT 16 – Aminoglikozidni antibiotici - do 5.933,50 KM bez uračunatog PDV-a, odnosno 6.942,19 KM sa uračunatim PDV-om na godišnjem nivou;
2. LOT 19 – Anksiolitici, hipnotici i sedativi i antidepresivi - do 9.609,00 KM bez uračunatog PDV-a, odnosno 11.242,53 KM sa uračunatim PDV-om na godišnjem nivou.

### **Član 3.**

Ovaj okvirni sporazum ne predstavlja obavezu Kupca na kupovinu robe od Dobavljača, već predstavlja osnovu za zaključenje pojedinačnog ugovora u toku trajanja okvirnog sporazuma.

Zaključenjem pojedinačnog ugovora sa Dobavljačem, nastaje obaveza za isporuku robe.

### **Član 4.**

Strane u sporazumu zaključit će jedan pojedinačni ugovor istovremeno sa zaključivanjem ovog sporazuma, a nakon provedenog postupka javne nabavke.

Količine roba iz Obrasca za cijenu ponude nisu obavezujuće za ugovorni organ.

Cijene roba iz Obrasca za cijenu ponude su nepromjenjive za cijeli ugovoreni period i ne podliježu bilo kakvim promjenama u toku izvršenja sporazuma.

Ugovorne strane su saglasne da sporazum realizuju prema već definisanim uslovima u Obavještenju o javnoj nabavci putem otvorenog postupka nabavke, tenderskoj dokumentaciji, ugovoru o javnoj nabavci roba i ponudi Dobavljača.

### **Član 5.**

Ovaj Okvirni sporazum ugovorne strane mogu raskinuti pisanim putem, na način da strana koja traži raskid ovog Okvirnog sporazuma upućuje pisanu obavijest drugoj ugovornoj strani, i to u slučaju povrede odredbi ovog Okvirnog sporazuma, ako druga strana nije takvu povredu ispravila čak ni u ostavljenom primjerenom roku, koji ne može biti kraći od 5 dana.

Kupac može raskinuti ovaj Okvirni sporazum u slučaju:

- da dobavljač kojem je ponudeno zaključivanje pojedinačnog ugovora ne potpiše pojedinačni ugovor ili ne dostavi bankarsku garanciju za dobro izvršenje ugovora
- da iz bilo kog razloga ugovorne strane raskinu pojedinačni ugovor,
- da druga ugovorna strana ne poštuje odredbe ovog Okvirnog sporazuma;

### **Član 6.**

Na pitanja koja nisu regulisana ovim Okvirnim sporazumom, primjenjivat će se odredbe Zakona o obligacionim odnosima, kao i ostali propisi koji regulišu predmetnu materiju.

### **Član 7.**

Ovaj sporazum stupa na snagu danom obostranog potpisivanja od strane ovlaštenih lica ugovornih strana.

Sastavni dio ovog sporazuma je specifikacija roba i ponude broj 16-16/17 i 16-19/17 od 27.04.2017.godine.

### **Član 8.**

Sve eventualne sporove ugovorne strane će rješavati sporazumno, u duhu dobrih poslovnih odnosa i uzajamnog povjerenja.

Ukoliko se sporazumno rješenje ne postigne, nadležan je sud u Sarajevu.

Član 9.

Sporazum je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

PRIPREMILA:  
Amira Petrović, BA općeg prava *AP*  
Referent za pravne poslove

KONTROLISALA:  
Sadeta Hrustemović, dipl. iur. *H.*  
Kordinator za javne nabavke

Dobavljač:  
ZEFARM d.o.o. Zenica

DIREKTOR privredno društvo za promet  
farmaceutičkim i medicinskim materijalom  
Edis Šaćirović, *Edis* **ZEFARM** d.o.o.  
Zenica, Goraždanska bb 2

Broj: 99-UG/17  
Zenica, 28.06.2017.

Kupac:  
Javna ustanova Opća bolnica  
„Prim. dr. Abdulah Nakaš“  
DIREKTOR  
*Zlatko Kravić*  
Prim.dr. Zlatko Kravić

Broj: 2359-17/17  
Sarajevo, 21.06.2017. godine